

近代中國史料叢刊第三十二輯  
沈雲龍主編

李文恭公（星沅）奏議

李  
檉編

文海出版社印行

李文恭公遺集

奏議二十二卷

詩集八卷

文集十六卷

芋香山館藏版

Ms/No/105

李 昉 蘭 尚 係



像贊

握尺乘輅英英詞伯擁節登壇巖巖柱石  
始於事親終於事君忠孝根性用志不紛  
憂從中來隱於眉宇公貌恆怡公心甚苦  
衡湘掩曜箕尾歸神遺芥勿替千秋此身

門下士彭崧毓敬書

敘

國家有重臣焉非祿位寵眷之為重也彼其器閎遠其量深沈其才識明濟果毅既足以包納衆智仔肩鉅任又加之忠實懇款之誠堅凝鎮定之度非名譽謗毀所能動當夫班政議

令羣言臆決之秋獨執奏再三反覆  
辨析或說雖美而行多窒則謂必不  
可施或時有弊而法無病則謂必不  
可改大抵以守格令計久遠為體國  
訖謨即璽書詰責卒持所見終獲聽  
從論者初猶疑其膠執及久而所言

利病歷々不爽如導師指津途夷險  
 如盧扁洞見癥結論老劇不失累黍  
 也於是翕然歸重焉此之謂重臣以  
 柏心所聞近代方鎮中當此無媿者  
 則有湘陰李文恭云公起南方孤生  
 少食貧羈遊幕府既壯乃登上第珥

李文恭公奏議序



筆詞垣受

宣宗特達之知不十年超居節鎮天下以為奇遇方公弦誦環堵時未自知必任天下之重也其於百度庶政亦非素習一旦出膺經營四方之任時又適當法令文具吏治窳惰人情

燕安狃於積習財賦日以耗軍政日以隳

宮廷方夙夜綜核求所以熙績省成者公於是慨然推奉

上意整肅憲度不敢輕變驟更貽躁率之愆而亦不為苟且因循之政凡

所設施協於中正衡於義理必上益  
於國下無損於民然後斷然行之歷  
久而無悔如挽漕鹽法河工改折漢  
回交訂諸端羣議雜糅是非輻輳一  
一精白為

上陳之卒是其言功亦隨見既已辭

榮乞養矣

文宗卽位又以粵西倣擾起公於家  
推轂任軍事勛雖未就遽以積勞薨  
於行營嚮令公無恙者豈至決蹕出  
柙蔓延半天下也世見公為當時能  
臣冠謂由智略過人機神敏速不知

公之處事審而思慮深專精竭能以  
事

主不欺其志仰報非常之

知遇絕不涉近名避怨之迹此無它  
器量才識超出羣流將之以忠實懇  
款之誠持之以堅凝鎮定之度凡見

諸事功与言論皆是也嗟乎此其所  
以足重者也 柏心與長君梅生太史  
同舉恆辱公獎借今次君仲雲都轉  
季君黼堂方伯刊公遺集以奏議為  
首詩與文次之貽書徵敘公詩文則  
論者多矣獨深味此編見公之陳謨

入告信乎為國家重臣無媿亦自審  
管彘窺測為非繆云同治五年丙寅  
秋仲年家子王柏心敘

李文恭公奏議序

事君非言之難而遭際為難禹皋不遇堯舜則謨弼無繇諧周召不遇武成則篤棊無繇効賈長沙董江都不遇文景則對策無繇嘉納何則下有啟沃之臣必上有恭謙之主秦交一德然後躋吾說而敬信之否則累牘連章如水投石已耳君子讀史



至陸忠宣蘇文忠傳所為掩卷太息惜其  
才而悲其遇之乖也吾友李文恭公受知  
宣宗成皇帝起家詞垣屢詩文鑑繇太守  
游擢開府歷粵秦豫蜀滇吳最後承  
文宗顯皇帝命督師西粵以卒編奏議都  
為二十二卷凡朝政之得失民生之利病  
屬吏之殿最靡不為

上力言或專陳或合議章或再三上不得其請不止

宣宗虛懷聰聽有立從者有踰時卒從者其不從者十不過二三焉方是時

國家休養二百餘年民物殷昌吏靜將逸而患氣迺隱萌其間西海陬醜夷逐利昧法禁揚帆闌入中國瞋目語難剗撫一失

機宜寇且窺我公沈幾密畫摧其角牙一  
任勞怨為僚屬先威不褻而事以集滇池  
回民與漢忤操矛弩撞搪叫謹不人而獸  
搖毒四應公持節馳討不動聲色殲魁散  
脅邊境肅然至若漕運河防鹽筴學校軍  
伍以臬振蠲災黎訪懲邪匪諸政文簿山  
積咸歸勞主者公文臣能精兵法其督師

桂管使事權一而舊疾不作賊豈容久稽  
天誅惜哉數為之耶公每發封事寢食為  
輟少牧嘗得其一奏讀之燭跋而紙未竟  
要皆持大體具卓識辭足以暢其情理足  
以制其務思周慮遠忠盡之忱流溢於行  
墨間烏虜公固一心精白以陳善納誨為  
拳拳然非

天子憂勤惕厲悉臣工之賢否妙時勢之  
經權亦烏能闢續凝旒寤忠言為社稷計  
兩朝遭際之盛洵千載一時也公風儀秀  
偉音吐如洪鐘遇人坦易無城府性篤孝  
陳情疊次假省

上必動容嘉勞之博聞彊記於學無所不  
窺奏牘非常例皆手撰惟陳密勿者外莫

能知孔子曰事君先資其言拜自獻其身  
以成其信繫公克副斯語與繫公克副斯  
語與同治乙丑夏長沙熊少牧謹序

Handwritten text in a vertical column on the right side of the page, possibly a page number or title in a non-Latin script.

李文恭公奏議序

道光十五年歲在己未吾

師文恭公分校春闈榜首劉詹巖殿  
撰繹實出門下 崧亦忝廁二甲同入翰  
林朝夕從游飫聞清誨於以見公之文  
章及後摠制滇黔崧方備官天末屬



在邊吏敬承下風於以見公之政事歲  
已酉公自江南告歸崧道謁於武昌舟次  
時太夫人春秋高欲乞終養而不忍言  
因自稱疾歸於以見公之孝思與恬退  
之志庚戌辛亥粵西亂公奉  
命督師不遑啓處鞠躬盡瘁至以

身殉 崧詣長沙會葬讀公遺疏益以見  
公一生始終之大節今公子仲雲都轉  
黼堂方伯校刊遺集 崧適僑寓於斯  
獲先披誦因得盡窺公之忠愛忱悃上結  
主知碩畫嘉謀發於誠篤其遭逢之  
盛報稱之殷蓋有非他人所能及者 崧

於同門諸子中緣契獨厚不容不有所  
綴述謹再拜稽首而言曰虞書皋謨  
益稷奏議之權輿也漢賈太傅唐陸宣  
公宋司馬文正蘇文忠朱文公又奏議  
之極則也人臣職在禁近則以啓沃為  
心在臺諫則以補闕拾遺為責至封

疆所寄作朝廷股肱耳目雖在萬里  
遠近無不可陳於九重几席之前務  
使草野之情上通廟堂之澤下究蓋  
行事必徵諸實效而非可以空言塞  
責者也如其誠意不屬言近於欺上  
蔽聰明下忘疾苦政治得失理亂因

之則秦牘所闕不綦重歟或曰上之  
朝廷書之史傳既見諸施行已奚必家  
有其書始足以流傳不朽哉且卷帙  
繁富亦宜刪汰以歸簡要似也然而  
以之論詩文集則不可以論奏議  
夫奏議一書所以存其人非存其文

也國家宣付史館十僅一二且非從  
事中祕不得見倘使采輯舛漏則其  
人一生之宦迹不全即一朝之法制禁  
令不備而純臣之心跡風槩亦不足使  
天下後世考鏡而無失此奏議之所  
以有刻而刻必彙其全也伏讀

憲廟硃批諭旨於諸臣一切奏報  
批答皆極精詳仰見

宵旰勤勞萬幾無曠為人臣者而敢  
斯須弗慎稍存慢易哉公之是編誠  
與鄂文端史文靖諸名臣先後輝映  
而兢兢業業自視學以至使粵

眷畀愈重而敬畏愈深豈非純臣之  
用心足以使天下後世所共見者歟詩  
曰雖無老成人尚有典型竊願坐置  
一編以致高山景行之嚮往焉

同治三年秋九月門下士彭崧毓謹序



